

অবিলম্বে প্রকাশের উদ্দেশ্যে: 5/15/2019

গভর্নর অ্যান্ড্রু এম. কুওমো

গভর্নর কুওমো স্টেটব্যাপী অপ্ৰাপ্তবয়স্কদের মদ্যপান বিষয়ে কঠোর ব্যবস্থার ফলাফল ঘোষণা করেন

আন্ডারএইজ এজেন্টগণ 46 টি কাউন্টির লাইসেন্সপ্রাপ্ত স্থানে 851 টি কমপ্লায়েন্স চেক পরিচালনা করে

স্টেট লিকার কর্তৃপক্ষ (State Liquor Authority, SLA) অপ্ৰাপ্তবয়স্কদের কাছে বিক্রয়ের জন্য 186 জন লাইসেন্সধারীকে অভিযুক্ত করে

আজ গভর্নর অ্যান্ড্রু এম. কুওমো এপ্রিল মাসে সমগ্র স্টেটে অপ্ৰাপ্তবয়স্কদের মদ্যপানে কঠোর ব্যবস্থা প্রয়োগে স্টেট এজেন্সিগুলোর যৌথ প্রচেষ্টার ফলাফল ঘোষণা করেন। নিউ ইয়র্ক স্টেট লিকার কর্তৃপক্ষ এবং নিউইয়র্ক স্টেট ডিপার্টমেন্ট অব মোটর ভেইকলস (Department of Motor Vehicles, DMV) স্থানীয় আইন প্রয়োগকারী সংস্থাগুলোর সহায়তায় স্টেট জুড়ে বার, রেস্তোঁরা, মদ বিক্রির দোকান ও মুদি দোকানসহ মদ দ্রব্য বিক্রির লাইসেন্স প্রাপ্ত স্থানগুলোতে ভূয়া আইডি'র খোঁজে ও অপ্ৰাপ্তবয়স্কদের নিকট মদ বিক্রেতাদের খোঁজে এক ঝটিকা অভিযান পরিচালনা করে। কমপ্লায়েন্স চেকের জন্য পরিদর্শনকৃত 851 টি ব্যবসা প্রতিষ্ঠানের মধ্যে 186 টি প্রতিষ্ঠানকে আন্ডারএইজ এজেন্টদের কাছে বিক্রি করতে দেখা গেছে।

"অপ্ৰাপ্তবয়স্কদের মদ্যপান এবং ভূয়া আইডি কেবল অবৈধ নয়, সারা জীবনের জন্য করুণ পরিণতি নিয়ে আসে এমন বেপরোয়া সিদ্ধান্তের দিকে নিয়ে যেতে পারে", **গভর্নর কুওমো বলেন।** "অবৈধ বিক্রির জন্য দায়ী এবং ভূয়া আইডিধারী ব্যবসা প্রতিষ্ঠানগুলোকে ধরতে আমরা পদক্ষেপ নেয়া অব্যাহত রাখব। নিউ ইয়র্কে এসব অপরাধ আমরা কোনোভাবেই বরদাস্ত করব না।"

SLA 46 টি কাউন্টিতে লিকার লাইসেন্সধারী 851 টি অবস্থানে অপ্ৰাপ্তবয়স্কদের প্রলুকারক (underage decoys) প্রেরণকারী তদন্তকারীদের মাধ্যমে 66 টি অপ্ৰাপ্তবয়স্কদের বিস্তারিত সংগ্রহ অভিযান পরিচালনা করেছিল। এই প্রলুকারক [এখানে](#) তালিকাভুক্ত 186 টি ব্যবসা প্রতিষ্ঠানে অ্যালকোহল বিক্রি করতে পারত। [এখানে](#) তালিকাভুক্ত 665 টি ব্যবসা প্রতিষ্ঠান অপ্ৰাপ্তবয়স্কদের প্রলুকারকদের কাছে বিক্রয় করতে অস্বীকৃতি জানিয়েছিল।

"SLA লাইসেন্সপ্রাপ্ত প্রতিষ্ঠানগুলোকে দায়ী করায় এবং দায়িত্বপূর্ণভাবে অ্যালকোহল ক্রয়-বিক্রয় করা হচ্ছে তা নিশ্চিত করায় প্রতিশ্রুতিবদ্ধ", **নিউ ইয়র্ক স্টেট লিকার কর্তৃপক্ষের চেয়ারম্যান ভিনসেন্ট**

জি. ব্রাডলি বলেন। "DMV ও স্থানীয় আইন প্রয়োগকারী সংস্থাগুলো আমাদেরকে অপ্ৰাপ্তবয়স্কদের মদ্যপান ও ভুয়া পরিচয় পত্র ব্যবহার রোধে আমাদের প্রচেষ্টাকে শক্তিশালী করণে সাহায্য করে।"

DMV ভারপ্রাপ্ত কমিশনার এবং গভর্নরস ট্রাফিক স্ফটি কমিটির (Governor's Traffic Safety Committee) ভারপ্রাপ্ত চেয়ার জে. এফ. স্কুডার বলেন, "আমি SLA, DMV এর মার্চ পর্যায়ের তদন্তকারী এবং আমাদের আইন প্রয়োগকারী অংশীদারদের অপ্ৰাপ্তবয়স্কদের মদ্যপান প্রতিহত করায় তাদের গুরুত্বপূর্ণ কাজের জন্য সাধুবাদ জানাই। ভুয়া পরিচয় পত্রের ব্যবহার এবং অপ্ৰাপ্তবয়স্কদের কাছে অ্যালকোহল বিক্রয় নিউ ইয়র্কের তরুণদের ও অন্যান্যদের ঝুঁকিতে নিয়ে যায় যদি তারা মদ্যপানের পরে গাড়ি চালায়। এই সাম্প্রতিক কঠোর ব্যবস্থা এবং গত বছরের রেকর্ড সংখ্যক ভুয়া পরিচয় পত্র জব্দকরণ প্রমাণ করে যে নিউ ইয়র্ক স্টেট অপ্ৰাপ্তবয়স্কদের মদ্যপান প্রতিরোধকে গুরুত্বের সাথে নিয়েছে।"

অপ্ৰাপ্তবয়স্কদের কাছে বিক্রয়ের কারণে অভিযুক্ত লাইসেন্সধারীগণ প্রথম বার অপরাধের জন্য 2,500 থেকে 3,000 মার্কিন ডলার জরিমানা সহ প্রতি লঙ্ঘনে 10,000 মার্কিন ডলার পর্যন্ত দেওয়ানি শাস্তির সম্মুখীন হবেন। বারবার অপরাধকারীরা এছাড়াও তাদের লাইসেন্সের স্থগিতাদেশের বা প্রত্যাহারাদেশের সম্মুখীন হতে পারে। অধিকন্তু, অপ্ৰাপ্তবয়স্কদের কাছে বিক্রয়কারী কর্মচারী বা লাইসেন্সধারীগণ অপকর্মের অভিযোগে গ্রেপ্তার হতে পারে। অ্যালকোহল ক্রয়ের উদ্দেশ্যে ভুয়া আইডি বা জাল নথিপত্র ব্যবহারকারী 21 বছরের কম বয়সী ব্যক্তিদেরকে গ্রেপ্তার করা হতে পারে এবং ন্যূনতম 90 দিনের জন্য বা সর্বোচ্চ এক বছরের জন্য তাদের লাইসেন্স প্রত্যাহার করা হতে পারে।

###

অতিরিক্ত তথ্য পেতে দেখুন www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কুইব করুন](#)